







越使諸稽郢行成于吳

廣侈吳王之
心句約而該

其尊之也則
曰天王曰大
賜曰大德曰
眩姓于王宮

吳王夫差起師伐越。大夫種獻謀。種越大夫曰：王不如設
 戎約，辭行成，以喜其民。言不如設兵自守，卑約其民，必喜。以
 廣侈吳王之心。侈大吾以卜之于天。天若棄吳，必許
 吾成，而不吾足也。言越不將必寬然有伯諸侯之心，足畏也。
 焉。既罷弊其民，而天奪之食，安受其燼。奪之食，稻蟹之屬，燼餘也。
 乃無有命矣。吳天命也，復有越王許諾，乃命諸稽郢行成
 于吳。曰：寡君勾踐使下臣郢，不敢顯然布幣行禮。布陳
 也。幣玉敢私告于下執事。曰：昔者越國見禍，得罪于
 天王。謂傷合廬天王親趨玉趾，以心孤勾踐。趾足也，孤棄也。而又

曰隨諸御曰王府其自卑也曰孤曰草都之人曰殘伐越國曰征諸侯之禮曰封殖越國無非約辭以廣侈吳王之心

宥○赦○之○君○王○之○于○越○也○緊○起○死○人○而○肉○白○骨○也○緊是也使

白骨生肉孤○不○敢○忘○天○災○其○敢○忘○君○王○之○大○賜○乎○今○

勾○踐○申○禍○無○良○申重也良善也草○鄙○之○人○敢○忘○天○王○之○大○德○

而○思○邊○垂○之○小○怨○遠邑稱鄙言吳侵越之邊垂心懷怨恨也以○重○得○罪○于○

下○執○事○重得罪謂報見侵也勾○踐○用○帥○二○三○之○老○家臣稱老親言此謙也親○

委○重○罪○頓○賴○于○邊○委猶歸也邊邊境也今○君○王○不○察○盛○怒○屬○兵○

將○殘○伐○越○國○越○國○固○貢○獻○之○邑○也○君○王○不○以○鞭○箠○使○

之○而○辱○軍○士○使○寇○令○焉○若禦寇之號令勾○踐○請○盟○一○介○嫡○女○

執○箕○箒○以○眩○姓○于○王○宮○一介一人眩備也姓庶姓也曲禮曰納女于天子曰備百

姓○一○介○嫡○男○奉○槃○匱○以○隨○諸○御○槃承盟器也御春秋近臣宦墜之屬春○秋○

夫郢固善辭
然狐埋之而
狐搢之雖曰
喻不幾于侮
乎
利義二字包
括一篇之旨

貢獻不解于王府天王豈辱裁之豈能屬意亦征諸

侯之禮也夫征稅也此亦天子諺曰狐埋而狐搢之

忽是以無成功埋藏也今天王既封殖越國以明

聞于天下而又刈亡之是天王之無成勞也雖四方

之諸侯則何實以事吳實實敢使下臣盡辭唯天王

秉利度義焉秉執也

孫應鰲曰老子云惟天下之至柔馳騁天下之至堅

茲于諸稽郢大夫種之有感焉夫以越

之君臣所謀土地所產甲兵所聚豈肯甘

心于吳者美言鴆毒何不悟也

張以忠曰越人設戎約辭以行成未遂萬全之策特
遇夫差故大夫種之謀得行耳天實參吳
豈繫人力哉

孔父

合仇牧傳參看更趣

虛圓俊美

叙得脆爽

身之不能庇焉能庇其臣

桓公二年春王正月。戊申。宋督弑其君與夷。及其大

夫孔父。賢者不名故孔父稱字督及者何。以公夫人

微不得及君上下大夫言及累也。累累從弑君多矣。

知君尊亦不得及臣故問之。累也。君而死弑君多矣。

舍此無累者乎。曰。有。仇牧荀息皆累也。舍仇牧荀息。

無累者乎。曰。有。叔仲惠伯是也有則此何以書。賢也。何賢乎。

孔父。伯叔仲惠孔父可謂義形于色矣。以稱字見其

義形于色。奈何督將弑殤公。孔父生而存。則殤公不

可得而弑也。故于是先攻孔父之家。大夫稱家父者

字之以君得子之殤公。知孔父死已必死。趨而救之。

卓聲

義形于色

皆死焉孔父正色而立于朝則人莫敢過而致難于其君者孔父可謂義形于色矣

內有其義而外形見于顏色孔子曰君子

正其衣冠尊其瞻視儼然人望而畏之是也

何休曰宋殤知孔父賢而不能用故致此禍設使

殤公不知孔父賢焉知孔父死已必死設

使魯莊公不知季子賢焉知以病召之皆

患安存之時則輕廢之急然後思之故常

用不免

張以忠曰督所憚惟孔父耳孔父死督可弑君而無

患矣獨惜孔父身為司馬而不能彌禍未

萌是亦忠有餘而智不足處

公會齊侯盟于柯

憤激

曹子君臣以

能死為手段

管子君臣以

能許為手段

手劍擦劍英

特矢復爾自

在

考列傳後無

歸田事

桓十有三年冬公會齊侯盟于柯。何以不日易也。其易奈何。桓之盟不日。其會不致。信之也。其不日何以始乎此。莊公將會乎桓。曹子進曰。君之意何如。莊公曰。寡人之生則不若死矣。曹子曰。然則君請當其君。臣請當其臣。當猶敵也莊公曰。諾。于是會乎桓。莊公升壇。曹子手劍而從之。曹子本謀當其臣更當其君者見莊有不能之色管子進曰。君何求乎。桓公卒愕不能應曹子曰。莊公亦造次不知所言故城壞壓竟。君不圖與。猶曰君不當計侵魯太急管子曰。然則君將何求。曹子曰。願請汶陽之田。管子顧曰。君

奕奕清爽

筆力雄健

許諾桓公曰諾曹子請盟桓公下與之盟已盟曹子

標劍而去之辟劍要盟可犯疆見而桓公不欺曹子

可讐而桓公不怨桓公之信著乎天下自柯之盟始

焉曹子如許英雄激烈只成個小豪傑管子如許安穩信實却成個大規模

唐順之曰桓公修霸故捐小利以收魯魯亦知齊欲

以信求諸侯故因盟以求地

張以忠曰英雄慷慨之氣出以從容暇豫世之撫劍

疾視者望曹子當有媿色矣

季友酖牙立般

精挺

公子友慷慨
自任
庸得若是乎
一語已逆知
季子之不能
定般矣
夫何敢兩言
遂成慶父之

莊三十有二年。秋七月癸巳。公子牙卒。何以不稱弟殺也。殺則曷爲不言刺爲。季子諱殺也。曷爲爲季子諱。殺季子之過惡也。不以爲國獄緣。季子之心而爲之。諱季子之過惡。奈何。莊公病將死。以病召季子。于陳。季子至而授之以國政。曰。寡人卽不起。此病吾將焉致乎。魯國季子曰。般也。存君何憂焉。般音班公曰。庸得若是乎。牙謂我曰。魯一生一及君。已知之矣。父死繼曰。生兄死弟繼。曰及言隱公生。慶父也。存季子曰。夫桓公及今。君生慶父亦當及。何敢是將爲亂乎。夫何敢俄而牙弑械成。有攻守之具曰械。

殺
語古質而決

審乎將之與
既者可與權
制刑之旨矣
今之理官皆
忿其既而追
治之也未有
遏其將者也

季子○和○藥○而○飲○之○藥者酖毒也時季子亦有械故能飲之曰○公○子○從○吾○言○而○飲○此○則○必○可○以○無○為○天○下○戮○笑○必○有○後○乎○魯○國○時世大夫誅不宣楊子當繼體如故不○從○吾○言○而○不○飲○此○則○必○為○天○下○戮○笑○必○無○後○乎○魯○國○于○是○從○其○言○而○飲○之○飲○之○無○僇○氏○至○乎○王○堤○而○死○公○子○牙○今○將○爾○辭○曷○為○與○親○試○者○同○君○親○無○將○將○而○誅○焉○親謂父母然則善之與曰然殺世子○母○弟○直○稱○君○者○甚○之○也○季○子○殺○母○兄○何○善○爾○誅○不○得○辟○兄○君○臣○之○義○也○然○則○曷○為○不○直○誅○而○酖○之○行○誅○乎○兄○隱○而○逃○之○使○託○若○以○疾○死○然○親○親○之○道○也○

唐順之曰婉折古雋

張以忠曰成季之奉般忠矣醜牙當矣使并圖慶父
而除之何至般弑而身竄于陳乎君子所
以深惜其謀疎也

古今文苑

卷三

三

荀息

不與孔父
仇牧二傳同

荀息多前叙
次詳累轉折
處不用繁詞
而意已曲盡

僖十年春晉里克弒其君卓子及其大夫荀息及者
何累也。弒君多矣。舍此無累者乎。曰有。孔父仇牧皆
累也。桓公二年宋督弒其君與夷及其大夫孔父
孔父仇牧無累者乎。曰有。有則此何以書。賢也。何賢
乎。荀息。荀息可謂不食其言矣。不食言者以奚齊卓子皆立也其不
食其言奈何。奚齊卓子者驪姬之子也。荀息傅焉。驪
姬者國色也。獻公愛之甚。欲立其子。于是殺世子申
生。申生者里克傅之。獻公病將死。謂荀息曰。士何如。
則可。謂之信矣。獻公自知廢正當有後患欲託二子于荀息故動之二云爾荀息對

侃然

止以不食其
言與之荀息
之人品自見

曰○使○死○者○復○生○生○者○不○媿○乎○其○言○則○可○謂○之○信○矣○荀

察知獻公欲為奚齊卓獻公死○奚齊立○里克謂荀息

曰○君○殺○正○而○立○不○正○廢○長○而○立○幼○長謂重耳如○之○何○願○與

子○慮○之○荀○息○曰○君○嘗○訊○臣○矣○上問下曰訊言君臣相與言明不可負也臣

對○曰○使○死○者○復○生○生○者○不○媿○乎○其○言○則○可○謂○信○矣○里

克○知○其○不○可○與○謀○退○弑○奚○齊○荀○息○立○卓○子○里○克○弑○卓

子○荀○息○死○之○荀○息○可○謂○不○食○其○言○矣○

真德秀曰是時莫不背死嚮生去敗與成荀息一受

君命終身死之故言及與孔父同義不日

者不正遇禍終始惡明故畧之

胡時化曰左氏以白圭之詩譏其失言于初後不可

悔爲得春秋之旨

張以忠曰幾先之哲濟難之貞托孤之力荀息無一
焉而甘心死之何取哉息固曰吾將以媿
人臣之懷貳心者讀是傳大足令貪生反
覆之夫介然色動

世室壞

文十三年。自正月不雨。至于秋七月。公子遂世室屋

壞。世室者何。魯公之廟也。魯公庚公周公稱太廟。魯

公稱世室。羣公稱宮。少差異其下者此魯公之廟也。

曷為謂之世室。世室猶世室也。世世不毀也。魯公始

故不周公何以稱太廟于魯。據魯公封魯公以為周

公也。為周公故周公拜乎前。魯公拜乎後。始受封時

也。父子俱拜者明以曰。生以養周公。死以為周公主。

如周公死。當以魯公為祭祀主。加日者。成王始受其

茅土之辭。禮記明堂位曰。封周公于曲阜。地方七百

里。革車千乘。蓋以為天子也。然則周公之魯乎。曰。不之魯也。

情辭鼓舞

忠按本文意
本謂武王崩
成王幼主少
國疑武庚商
奄繼叛頑民
未靖若周公
不畱輔成王
而之魯則王
室動搖天下
不能一心周
室故封伯禽
命使遙供養
死則奔喪為
主所以一天
下之心于周
也舊註恐未
合

封魯公以為周公主。然則周公曷為不之魯。據為周

生以養周公死以為周公主周欲天下之一乎周也。

公不之魯則不得供養為主

何註謂周公聖人德至重功至大嫌之魯恐天下迴

心趨向之故但封伯禽之國所以一天下之心于周

魯祭周公。何以為牲。據廟周公用白牡。也白牡殷牲

有王禮謙不敢與文武同也不以夏魯公用騂牝。騂牝

黑牡者嫌改周之文不以夏避嫌也

赤春周牲也魯公以諸侯羣公不毛。不毛不純色所

不嫌故從周制以春為差

魯祭周公。何以為盛。據牲周公盛。盛者魯公燾。燾者

故上以羣公廩。廩者連新于陳上財今半相連世室

新也

屋壞。何以書。譏何譏。爾久不修也。簡忽久不以時祭

室屋者

重宗廟

鄭維嶽曰結構精工

張以忠曰世室而至于壞怠棄其祖甚矣况望舉周公魯公之政耶嗣後東門擅政暨乎三桓宗國之衰豈一日而然哉

宋人及楚人平

叙次最頓挫

自當令子反首肯

宣十有五年夏五月。宋人及楚人平。外平不書。此何以書。大其平乎已也。何大乎其平乎已。莊王圍宋。軍有七日之糧。爾盡此。不勝將去而歸。爾于是使司馬子反乘堙而闕宋城。堙音因宋華元亦乘堙而出見之。司馬子反曰。子之國何如。華元曰。憊矣。憊音敗曰。何如。曰。易子而食之。析骸骸人骨也而炊之。司馬子反曰。嘻。甚矣。憊雖然。吾聞之也。圍者掛馬而秣之。秣者以粟置馬口中掛者以木銜其口不欲令食粟示有蓄積使肥者應客。示飽是何子之情也。華元曰。吾聞之。君子見人之厄則矜之。小人見人之

命意正大其
辭軒爽

厄則幸之。吾見子之君子也。是以告情于子也。司馬
子反曰。諾。勉之矣。吾軍亦有七日之糧。爾盡此不勝。
將去而歸。爾揖而去之。反于莊王。莊王曰。何如。司馬
子反曰。憊矣。曰。何如。曰。易子而食之。析骸而炊之。莊
王曰。嘻。甚矣。憊。雖然。吾今取此。然後而歸。爾司馬子
反曰。不可。臣已告之矣。軍有七日之糧。爾莊王怒曰。
吾使子往視之。子曷爲告之。司馬子反曰。以區區之
宋。猶有不欺人之臣。可以楚而無乎。是以告之也。莊
王曰。諾。先以諾受舍而止。築舍而止雖然。謂宋雖已
絕子反語取此。然後歸。爾司馬子反曰。然則君請處于此。
七日之糧

臣請歸爾。莊王曰：子去我而歸，吾孰與處于此？吾亦從子而歸爾。引師而去之。故君子大其平乎已也。謂已
子反也。大夫無遂事而子反專之，不待告于君者，有愛人之心也。故大之。
張榜曰：此篇愈沓復愈，益可喜妙品。
張以忠曰：神韻雋絕，而筆法頓挫更極神妙。

季札讓國

襄二十九年。吳子使札來聘。吳無君。無大夫。此何以

有君。有大夫。

據向之會稱國

賢季子也。何賢乎季子。

據聘不足賢而

使賢有君有大夫。荆人來聘是也。

讓國也。其讓國奈何。謁也。餘祭也。

夷昧也。與季子同母者四。

與并也。并季子四人。

季子弱而才。兄

弟皆愛之。同欲立之以為君。謁曰。今若是。迨而與季

子國。

迨起也。倉卒意。

季子猶不受也。請無與子。而與弟。弟兄

迭為君。

迭猶更也。

而致國乎季子。皆曰諾。故諸為君者皆

輕死為勇。飲食必祝。

祝因祭祀也。論語曰。雖蔬食菜羹。瓜祭是也。

曰。天苟

有吳國。

天誠欲有吳國。當與賢弟。

尚速有悔于予身。

尚猶努力速疾也。悔咎也。

文勢奔逸

句法佳

季子使而不
反蓋亦登見

予我也欲急致國于季子意故謁也死餘祭也立故迭餘祭也死夷昧也立夷昧也死則國宜之季子者也季子使而亡焉僚者長庶也卽之緣兄弟相繼而卽位所以不已之是楊兄之非故爲季子使而反至而君之爾不之諱所以起至而君之讓國者僚已闔廬曰先君之所以不與子國而與弟得國無所讓闔廬曰先君之命與則國宜之季子者凡爲季子故也將從先君之命與則國宜之季子者也如不從先君之命與則我宜立者也僚惡得爲君乎于是使專諸刺僚僚者炙魚因進魚而刺之而致國乎季子季子不受曰爾弑吾君吾受爾國是吾與爾爲篡也爾殺吾兄吾又殺爾是父子兄弟相

公子無去國之義故延陵之去不越竟

殺終身無已也

兄弟相殺者謂闔廬為季子叔僚

去之延陵

延陵吳下邑禮

終身不入吳國

不入吳朝既不忍討闔廬義不可畱事

故君子以其不

受為義以其不殺為仁

故大其能去以其不以貧賢賤苟止故推二事與之

季子則吳何以有君有大夫

賢其君本不以季子為臣

則宜有君者也

方以季子賢許使有君

札者何吳季子

之名也春秋賢者不名此何以名許夷狄者不一而

足也

故降字而名

季子者所賢也曷為不足乎季子許人

臣者必使臣許人子者必使子也

緣臣子尊榮莫不欲與君父共之字

季子則遠其君夷狄常例離君父辭故不足以隆父

者移諱于闔廬不可以見讓故復因聘起其事

桓

譚曰吳之篡殺滅亡釁由季札札不思上放周公之攝位而下慕曹臧之謙讓名已細矣春秋之取豈爲公乎

張以忠曰吳子使札來聘胡氏以爲貶文而公穀均以爲與今詳按季子讓國一事心事磊落合乎中庸非好名苦節之比聖人曷爲貶之哉論者固當以此爲準

此傳最奇而
逸

一飯一衣耳
非至孝而能
體悉至此乎

辭極鏗鏘

許世子止弑其君

昭十有九年夏。許世子止弑其君買。冬葬許悼公。賊未討。何以書葬不成于弑也。曷為不成于弑。據將而止。進藥而藥殺也。時悼公病止。進藥止。進藥而藥殺。則曷為加弑焉耳。據意。善也。譏子道之不盡也。其譏子道之不盡。奈何。曰。樂正子春之視疾也。弟子以孝名聞。復加一飯。則脫然愈。復損一飯。則脫然愈。復加一衣。則脫然愈。復損一衣。則脫然愈。言消息得其節也。止進藥而藥殺。是以君子加弑焉爾。失其消息。曰。許世子止弑其君買。是君子之聽止也。聽治。止罪。葬許悼公。是君子

之○赦○止○也○

原止進藥本欲愈父之病無害父之意故赦之

赦○止○者○免○止○之○罪○

辭○也○

明止但得免罪不得繼父後許男斯代立無惡文是也

張

榜曰文特奇甚

張以忠曰穀梁氏謂許世子止以弑君自罪不自立

而與弟未踰年而哀死其情大可原而春

秋不少恕蓋將以警天下萬世之為人臣

子者

深惡桓而故
責隱

隱公不書即位

隱元年公何以不言即位

據文公言即位

成公志也

成隱讓桓之志

焉成之言君之不取為公也

言隱意不取為魯君也公君也上言君下言公

互君之不取為公何也將以讓桓也讓桓正乎曰不

正桓隱長春秋成人之美不成人之惡隱不正而成之

何也將以惡桓也

不明讓者之善則取者之惡不顯

其惡桓何也隱

將讓而桓弑之則桓惡矣桓弑而隱讓則隱善矣善

則其不正焉何也

據善無不正

春秋貴義而不貴惠

惠謂私惠

信道而不信邪

信音伸

孝子揚父之美不揚父之惡先

君之欲與桓非正也邪也雖然既勝其邪心以與隱

似與上為三
疊又似與前
成人之美遙
對

妄態橫生

此處全是責

隱而桓戶惡

不言自見

一句總收三

句而成父之

惡亦在其中

一百八十五系

卷二

三

矣。終歸之于隱。是已。探先君之邪志。而遂以與桓則。

是成父之惡也。兄弟天倫也。兄先弟後。為子受之父。

為諸侯受之君。隱為世子親受命于惠公。已廢天倫。

而忘君父以行小惠。曰小道也。弟先于兄。是廢天倫。

若隱者可謂輕千乘之國。蹈道則未也。私以國讓。是忘君父。

唐順之曰。議論莊雅。具有丰神。

張榜曰。此傳操縱出沒不可端倪。變化旋轉無限。

恣態鑿鑿。正言嫺嫺。餘度固已淩左而轢。

公矣。

張以忠曰。論高法整。而調度雍雍。斷制文之絕妙者。

鄭伯克段

隱元年夏五月鄭伯克段于鄢。段有徒眾攻之為害必深故謹而月之鄢

鄭地克者何能也何能也能殺也何以不言殺見段之

有徒眾也。言鄭伯能殺則邦人不能殺矣段鄭伯弟

也何以知其為弟也殺世子母弟目君以其目君知

其為弟也。母弟同母弟也段弟也而弗謂弟公子也

而弗謂公子貶之也段失子弟之道矣賤段而甚鄭

伯也。賤段謂不稱公子公何甚乎鄭伯甚鄭伯之處

心積慮成于殺也。段恃寵驕恣強足當國鄭伯不能防閑以禮教訓以道縱成其罪終

于鄢遠也猶曰取之其母之懷中而

說得透斷得嚴

一語入神鄭伯心折

殺之云爾甚之也

段奔走至于郕去已遠矣鄭伯猶

子而殺之乎君殺大夫例不然則爲鄭伯者宜奈何

地甚鄭伯之殺弟故謹其地然則爲鄭伯者宜奈何

緩追逸賊親親之道也

若親無將將而必誅焉此蓋臣子之道所犯在已故可以

張榜曰識力適勁

張以忠曰魯隱釀桓之弑鄭莊致段之殺事均失正

而用心則寬絕

臧孫辰告糴

莊二十八年臧孫辰告糴于齊。

臧孫辰魯大夫臧文仲

國無三

年之畜。曰國非其國也。一年不升。告糴諸侯。告請也。

糴糴也不正。故舉臧孫辰以爲私行也。

爲內諱。故不稱使使若私。

行國無九年之畜。曰不足。無六年之畜。曰急。無三年

之畜。曰國非其國也。諸侯無粟。諸侯相歸粟。正也。臧

孫辰告糴于齊。告然後與之言內之。無外交也。古者

稅什一。豐年補敗。

敗謂凶年。

不外求。而上下皆足也。雖累

凶年。民弗病也。一年不艾。而百姓饑。君子非之。不言

如爲內諱也。

况無一年之蓄乎

公羊譏之是矣而左則以禮許之似未合

唐順之曰筆法清勁

張以忠曰古者稅什一累凶年而弗病今魯加賦矣
一年不登而告饑信哉古制不可廢也

虞師晉師滅夏陽

按夏陽虞虢之塞邑猶秦有潼關蜀有劍嶺

語意勁活

深入人情

僖二年夏五月虞師晉師滅夏陽。非國而曰滅重夏陽也。虞無師其曰師何也。以其先晉不可以不言師也。其先晉何也。為主乎滅夏陽也。夏陽者虞虢之塞邑也。滅夏陽而虞虢舉矣。虞之為主乎滅夏陽何也。晉獻公欲伐虢。荀息曰。君何不以屈產之乘垂棘之璧而借道乎虞也。公曰。此晉國之寶也。如受吾幣而不借吾道則如之何。荀息曰。此小國之所以事大國也。彼不借吾道必不敢受吾幣。如受吾幣而借吾道則是我取之中府而藏之外府。取之中廐而置之外

甚有分割

廐也。公曰。宮之奇存焉。必不使君受之也。荀息曰。宮

之奇之爲人也。達心。

明達之人

而懦。

懦弱

又少長于君。

自少至長

與君同處

達心則其言畧。

明達之人其詞不煩

懦則不能彊諫。少長

于君。則君輕之。且夫玩好在耳目之前。而患在一國

之後。此中知以上。乃能慮之。臣料虞君中知以下也。

公遂借道而伐虢。宮之奇諫曰。晉國之使者。其辭卑。

而幣重。必不便于虞。虞公弗聽。遂受其幣而借之道。

宮之奇又諫曰。語曰。唇亡則齒寒。其斯之謂與。挈其

妻子以奔曹。獻公亡虢五年。而後舉虞。荀息牽馬操

璧而前曰。璧則猶是也。而馬齒加長矣。

極有文致

王世貞曰荀息于敵國之事籌之何等從容而卒從
君于昏以身殉難豈其智不足與可勝惋
惜

張以忠曰此傳丰神冷雋似不及公羊而筆力雄健
辭氣高華則此爲勝

會王世子于首止

僖五年夏公孫茲如牟公及齊侯宋公陳侯衛侯鄭

伯許男曹伯會王世子于首戴惠王世子名鄭後立為襄王首戴衛地

及以會尊之也言及諸侯然後會王世子何尊焉王不敢令世子與諸侯齊列

世子云者唯王之貳也云可以重之存焉尊之也何

重焉天子世子世天下也秋八月諸侯盟于首戴言諸

侯者前目而後凡他皆倣此無中事而復舉諸侯何也尊王世子

而不敢與盟也尊則其不敢與盟何也盟者不相信

也故謹信也不敢以所不信而加之尊者桓諸侯也

不能朝天子是不臣也王世子子也塊然受諸侯之

句按時也

別自精密

何法適選之

尊已而立乎其位是不子也桓不臣王世子不子則其所善焉何也是則變之正也雖非禮之王而合當時之宜天子

微諸侯不享覲桓控大國扶小國統諸侯不能以朝天子亦不敢致天王尊王世子于首戴乃所以尊天王之命也世子含王命會齊桓亦所以尊天子之命也世子受之可乎是亦變之正也天子微諸侯不事覲世子受諸侯之尊已而天王尊矣世子受之可也

張榜曰此傳疊疊發意爽豁開敞

張以忠曰惠王欲立寵子帶故齊桓帥諸侯會王世

子以定其位蓋翼戴宗周莫先儲貳是舉

也亦是霸業最崢嶸處

會王世子于首止二

執叔梁

今文統

卷二

三

楚子執慶封

議論勁爽剖
析精明

真足一粲
不少假借

昭四年秋七月。楚子蔡侯、陳侯、許男、頓子、胡子、沈子、
 淮夷伐吳，執齊慶封，殺之。此入而殺，其不言入何也。
 慶封封乎吳鍾離。言時殺慶封自于鍾離實不入吳其不言伐鍾離，
 何也不與吳封也。慶封以其齊氏何也。據已絕于齊為齊
 討也。靈王使人以慶封令于中軍，曰：「有若齊慶封弑
 其君者乎？」謂與崔杼共弑莊公光慶封曰：「子一息，我亦且一言。」
 曰：「有若楚公子圍弑其兄之子而代之為君者乎？」軍
 人粲然皆笑。粲然盛貌慶封弑其君而不以弑君之罪
 罪之者，慶封不為靈王服也。不與楚討也。傳例曰：稱人以殺大

夫爲殺有罪。今殺慶封。經不稱人。故曰不以弑君之罪罪之。春秋之義。用貴治賤。用賢治不肖。不以亂易亂也。易治。孔子曰。懷惡而討。雖死。不服。其斯之謂與。遂滅厲。遂繼事也。

王錫爵曰。矯健有筆力。

張以忠曰。慶封之誅。其罪當矣。特楚意在入吳。非爲討罪而靈王又非討罪之人。故雖死不服。傳語似冷而實自嚴峻。

慶封

五石六鷁

此與公羊各擅奇妙

耳治目治新甚奇甚

舉通見遠

僖十有六年春王正月戊申朔隕石于宋五

石也者陰之類

也五也者陽之數也其隕石其數五陰類也而陽行象將致隊落之兆

先隕而後石何

也隕而後石也

既隕後乃知是石

于宋四境之內曰宋後數

散辭也耳治也

隕石記聞也聞其礪然視之則石察之則五此石散在宋四境之內故後

言其數鷁則聚在宋都之上故先言其數隕石先以耳聞故先言隕鷁退先以目見故先言數是各以聞

見先後是月六鷁退飛過宋都

鷁陽也六陰數也象陽而陰行必衰退

是月者決不日而月也

欲著石日鷁月故言是月若不言是月則嫌與戊申同

六鷁退飛過宋都先數聚辭也目治也

六鷁退飛記見也視之則

六察之則鷁徐而察之則退飛

子曰石無知之物鷁微有知之物石

意精而大

古今文系

卷二

無知故日之

石無知而隕必天使之然故詳而日之

鵬微有知之故

月之

鵬或時自欲退飛耳是以畧而月之

君子之于物無所苟而已石

鵬且猶盡其辭而况于人乎故五石六鷁之辭不設

則王道不亢矣

不遺微細故王道可舉

民所聚曰都

張榜曰精眇宏深

張以忠曰于細物中標出作經微旨妙析奇致而文

特卓練雋雅

蒐于紅

句法鍊而古

佳語令人珍
玩不厭

昭八年秋蒐于紅。紅，正也。因蒐狩以習用武事，禮之大
 者也。艾蘭以為防。蘭香草也。防，置旃以為轅門。又建旃以葛覆質，以為檠。檠音業。質，檻也。門中梟
 以表之。草覆之葛，或流旁握御。輦者不得入。輦音載。流，至
 作褐毛布也。各去門邊空握四寸也。輦，車軌塵也。謂車兩轡頭
 掛則不得入門，取御拙。車軌塵，出微。馬候蹄。發足相應
 拏禽旅。拏取衆禽。御者不失其馳，然後射者能中。過防弗
 逐，不從奔之道也。戰不遂，奔之義。面傷不獻。嫌誅降。不成禽，不
 獻。惡虐，勿小。禽雖多，天子取三十焉。其餘與士衆以習射
 于射宮，射而中，田不得禽；則得禽，田得禽而射不中。

則不得禽是以知古之貴仁義而賤勇力也射以不爭爲仁

揖讓爲義

孫 鑛曰古今蒐獵賦中未見有此

張以忠曰簡後有奇彩

句簡而健

妙在安字傷

字句更包括

章法

辭甚精明

孝子忠臣之

用心雖無罪

而死愛君憂

國猶不忘仁

晉恭世子

晉獻公將殺其世子申生

左傳僖公四年

公子重耳

申生異母弟文

公謂之曰子蓋言子之志于公乎

蓋讀盍下同

世子曰不

可君安驪姬是我傷公之心也

明其讒則姬必誅是使君夫所安而傷其

心曰然則蓋行乎

勸其出奔

世子曰君謂我欲弑君也天

下豈有無父之國哉吾何行如之

蒙弑君之名使人

辭于狐突

與之永訣

曰申生有罪不念伯氏之言也以至

于死

狐突為申生傳故稱伯氏前此伐臯落氏申生

不敢愛其死雖然吾君老矣子少

驪姬子國家多難

伯氏不出而圖吾君

突自伐臯落後懼而稱疾不出

伯氏苟出而圖

矣哉

吾君申生受賜而死

勉孤突爲國而出忠其父

再拜稽首乃卒是

以爲恭世子也

吳

澄曰予常謂屈原之忠申生之孝其行雖皆未

合中庸其心則純是天理申生但知順文

屈原但知愛國而一身之生死不計世之

議者其何足知之哉

楊

慎曰按此節僅百五十字而包括曲折有他人

千言不盡者合左傳國語穀梁文並觀之

優劣自見

張以忠曰情懇以惻辭慤而婉真純孝哉讀之潛然

魯莊公誅賁父

魯莊公及宋人戰于乘丘。魯縣賁父御。上國為右。上縣

四句十字包括幾多字

皆氏也。右車馬驚敗績。公隊佐車授綏。前車已敗故

圍人二句十字包括幾多

使登公曰。未之上也。上國微縣賁父曰。他日不敗績。

意馬之驚軍之敗縣之無罪而死至此

而今敗績。是無勇也。遂死之。二子愧焉遂圍人浴馬。

而明非其罪二句

有流矢在白肉。軍罷浴馬始知流矢在白肉。公曰。非

七字見魯莊之悔過悼亡

其罪也。遂誅之士之有誅自此始也。士爵卑雖不應誅莊公以義起

旌善

遂哀二子赴敵之功而誅之。

陳櫟曰。馬驚在御不在右。莊公未上。不末。縣記稱

縣死而不言上死。何耶。莊公之末上。責其

輕者以見其重者也記稱縣死卽其責之
所不及者以見責之所及者也春秋書敗
宋師于乘丘于記則言敗績在魯蓋莊公
敗于二人未死之前宋人敗于二人旣死
之後春秋書其戰故詳其終記人記其誅
姑述其始而已

張以忠曰自篇首至遂誅之是叙事體末二句是議
論體左氏傳文中縱有極鎔鍊者不能如
此簡古

又曰文不滿百字而神采穆然

曾子易簣

寢子須安頓

在第一句後

說牀說簣從

此起

瞿然形容驚

起之狀巧

曾子病革此

四句語簡意

明光哲垂沒

之言其精神

不亂如此以

論語啓手啓

足之言參觀

可見曾子之

弘毅

曾子寢疾病病謂樂正子春坐于牀下曾元曾申坐

于足童子隅坐而執燭童子曰華而眈大夫之簣與

華盡也眈刮節也子春曰止以病不可動曾子聞之瞿

然曰呼呼虛聲曰華而眈大夫之簣與童子曾子曰然

識其意斯季孫之賜也吾未之能易也以已元起易

故然之曾元曰夫子之病革矣不可以變身起幸而至于旦

請敬易之曾子曰爾之愛我也不如彼君子之愛人

也以德細人之愛人也以姑息吾何求哉吾得正而

斃焉斯已矣舉扶而易之共扶曾子反席未安而歿

楊之慎曰華而睨至元起易簣一節童子驚訝之狀
與曾元掩護之情并曾子虛憊而不失其
正之事千載如在目前左氏且走僵况漢
以下文人乎

張以忠田按寢簣之制禮原無等級曾子卽不易簣
亦非違禮但君子當臨終之際其敬謹有
加于常時特未可安華美而改吾質素耳
非曾子非大夫不可終于大夫之簣之謂

篇中屢用將
子文最虛活

詳考古本梁
木其壞之下
有則吾將安
仗五字

孔子夢奠兩楹

孔子蚤作也。起負手曳杖。以手卻後。消搖于門。寬縱歌曰。泰山其頽乎。梁木其壞乎。哲人其萎乎。既歌而入。當戶而坐。子貢聞之曰。泰山其頽則吾將安仰。梁木其壞則吾將安放。而安所望。夫子殆將病也。遂趨而入。夫子曰。賜爾來何遲也。夏后氏殯于東階之上。則猶在阼也。殷人殯于兩楹之間。則與賓主夾之也。周人殯于西階之上。則猶賓之也。猶西階以而丘也。殷人也。夫子之後故稱殷人。予疇昔之夜。夢坐奠于兩楹之間。夫明主不興而天下其孰能

宗子○予○殆○將○死○也○

以殷人享殷禮故知將死

蓋寢疾七日而沒○

陳繼儒曰夫子盛時夢寐姬公泰山梁木哲人三句

蓋歎周道之不復西哲人之不復見故未

云明王王不興天下其孰能宗子世儒以

哲人爲聖人目况不亦泥乎

張以忠曰文甚古茂似非秦漢人所能僞撰

有若之言似夫子

喪欲速葬二
仙大綱後面

歷歷相照

再一句妙

南宮敬叔反
一反字包括
多必載寶而
朝包括又多

有子問于曾子曰。問喪于夫子乎。曰。聞之矣。喪欲速
貧。死欲速朽。喪失位也有子曰。是非君子之言也。曾子曰。
參也聞諸夫子也。有子又曰。是非君子之言也。曾子
曰。參也與子游聞之。與當作于有子曰。然。然則夫子有爲
言之也。曾子以斯言告于子游。子游曰。甚哉。有子之
言。似夫子也。昔者夫子居于宋。見桓司馬。自爲石槨。
三年而不成。桓司馬宋向戌孫名魁夫子曰。若是其靡也。死不
如速朽之愈也。死之欲速朽。爲桓司馬言之也。南宮
敬叔反。敬叔魯孟僖子子南宮閱嘗失位去魯得反必載寶而朝。夫子曰。

若○是○其○貨○也○喪○不○如○速○貧○之○愈○也○喪○之○欲○速○貧○爲○敬○
叔○言○之○也○曾○子○以○子○游○之○言○告○于○有○子○有○子○曰○然○吾○
固○曰○非○夫○子○之○言○也○曾○子○曰○子○何○以○知○之○有○子○曰○夫○
子○制○于○中○都○定九年孔子年五十四寸之棺五寸之
槨○以○斯○知○不○欲○速○朽○也○昔○者○夫○子○失○魯○司○寇○將○之○荆○
蓋○先○之○以○子○夏○又○申○之○以○冉○有○命二子觀楚以○斯○知○
不○欲○速○貧○也○

楊 慎曰貧朽非人情所欲孔子之言特爲二子發

耳有子以中都與之荆事驗之可謂知言

張以忠曰古渾中極迴宕之妙

晉重耳辭得國

此又互見左氏國語

與張老歌哭句法同

即舅犯語而毫不重複文法之妙

晉獻公之喪。秦穆公使人公子弔公子重耳。驪姬譖殺諸公。子時重耳。且曰。寡人聞之。亡國恒于斯。得國恒于斯。奔在翟。交伐。雖吾子。儼然在憂服之中。喪失位亦不可久也。之際。雖吾子。儼然在憂服之中。喪失位亦不可久也。時取國亦不可失也。孺子其圖之。以圖襲位以告舅犯。舅犯曰。孺子其辭焉。喪人即亡無寶。仁親以為寶。父死之謂何。又因以為利。而天下其孰能說之。利父死而爭國。天下誰能為已。解說。孺子其辭焉。公子重耳對客。客即公曰。君惠弔亡臣。重耳身喪父死。不得與于哭泣之哀。以為君憂。致君之父死之謂何。或敢有他志。以辱君義。

國語云再拜
不稽首不沒
為後也沒貪
也下不沒字
尤佳比未為
後句意義更
深

他志求位之志稽顙而不拜哭而起起而不私不與

私子顯之字以致命于穆公穆公曰仁夫公子重耳使者

夫稽顙而不拜則未為後也故不成拜穆公勸故不

拜無反哭而起則愛父也起而不私則遠利也國意

謝枋得曰此篇文字意義優長比史記國語所載尤

佳此當為絕唱

張以忠曰公子反國之心何日忘之而特不忍因父

死以規利與夷吾之重賂秦以求入天壤

懸矣孰謂他日霸圖不預券于此

子思論爲舊君服

孟子寇仇之
論本此

句法精彩

穆公問于子思曰。爲舊君反服。古與。人臣仕而已者。大夫已放者。與待放未去者。禮皆爲舊君。齊衰三月。子思曰。古之君子。進人以禮。退人以禮。故有舊君反服之禮也。今之君子。進人若將加諸膝。退人若將隊諸淵。置之死地。母受我首。不爲他國主兵來攻我。不亦善乎。又何反服之禮之有。

謝枋得曰。楚鬬公辛曰。君討臣。誰敢仇之。則臣無仇。

君之義服亦可也。子思此論。直欲倣天下之爲君者。人臣之義。則當以鬬辛爲正。

張以忠曰。短章結構極精。

杜蕢揚解

按左傳文與此篇同而此篇之文為勝

文法精潔神彩奕然

知悼子

晉大夫荀盈

卒未葬平公

晉侯名彪

飲酒師曠李調侍

鼓鐘

樂初作而金奏

杜蕢自外來聞鐘聲曰安在曰在寢

燕于

寢

杜蕢入寢歷階而升酌曰曠飲斯又酌曰調飲斯

又酌堂上北面坐飲之

三酌皆罰爵

降趨而出

以發平公

之平公呼而進之曰蕢曩者爾心或開予是以不與

爾言

爾三爵必有開發吾意故不言而待汝言

爾飲曠何也曰子卯不樂

紂

紂以甲子日死桀以丁卯日死

知悼子在堂其為子

二日

謂之疾日故君不舉樂

曠也太師也不以詔

卯也大矣

大臣死關國家尤重

是以飲之也

告之罪

爾飲調何也曰調也君之褻臣

揚觶舉爵于
君也禮揚作
勝送也畢獻
賓與君畢也
特舉一爵曰
杜舉自此始

也。爲一飲一食。忘君之疾。是以飲之也。褻近之臣貪于一飲一食

而忘君違禮。爾飲何也。曰。蕢也。宰夫也。非刁也。是供

又敢與知防。與知防君是以飲之也。平公曰。寡人亦

有過焉。酌而飲寡人。杜蕢洗而揚觶。盥而後舉解致潔敬也公

謂侍者曰。如我死。則必毋廢斯爵也。聞義而服欲至

于今既畢。獻斯揚觶。謂之杜舉。言杜所舉之觶

謝枋得曰。按君與卿大夫比葬。不食肉。比卒。哭不舉。

樂杜蕢深明此義。故以飲曠與調最後自

飲一節。以越分自罪。意義尤深。

張以忠曰。俊整雍容。極高鍊矣。而結語復古。韻鏘然。

此章文去而
禁

語婉而正蓋
殊好于禮者

蕢尚不知禮

哀公使人弔蕢尚遇諸塗辟于路盡宮而受弔焉除辟

道路以畫宮室之位而受弔

曾子曰蕢尚不如杞梁之妻之知禮

也齊莊公襲莒于奪杞梁死焉

左傳襄公三十二年莊公襲莒杞植華還

載甲夜入莒戰死于莒

其妻迎其柩于路而哭之哀莊公使人弔

之對曰君之臣不免于罪則將肆諸市朝而妻妾執

君之臣免于罪則有先人之敝廬在君無所辱命辭不

受也傳曰齊侯弔諸其室

謝枋得曰此曾子因蕢尚失禮故以杞梁妻之知禮

證之

張以忠曰此章直引事作証不更益一語法古而奇

孔子論苛政

二字文如綴
旒何等句法

柳子厚捕蛇
者說本此一

句法妙

孔子過泰山側。有婦人哭于墓者而哀。夫子式而聽之。使子路問之曰：「子之哭也，一似重聲，一似重平，有憂者，一為言獨也，一不知夫喪之踊也。」而曰：「然。昔者吾舅死于一舊註：一者決定之辭，非于虎。吾夫又死焉。今吾子又死焉。」夫子曰：「何為不去也？」曰：「無苛政。」政猛于虎也。

苛政如重斂
嚴刑之屬

夫子曰：「小子識之。」

識音之苛

方希古曰：虎之害人也，機罟穽檻能制之，深宮固門

能逃之，政之害人也，無可制之機焉，無可

逃之地焉。此泰山婦人所以寧遭虎之累

傷而不忍其政之無苛也揚雄之論酷吏
曰虎哉虎哉角而翼者也卽此意

張以忠曰泄政者當書一通于坐屏

周豐不見哀公

人名卜著也者二字退之勝王閣記效之

曰上加而字替豐字新異精彩

有心之固結不若無心之感孚

章法句法

魯人有周豐也者。哀公執摯摯音志贊同請見之。周豐必賢而隱者故哀公而曰不可。古者不為臣不見君屈已見之。而曰不可以尊見卑故豐辭。公曰我其已夫。願也使人問焉曰有虞氏未施信于民而民信之。夏后氏未施敬于民而民敬之。何施而得斯于民也。對曰墟墓之間未施哀于民而民哀。社稷宗廟之中未施敬于民而民敬。殷人作誓而民始畔。周人作會而民始疑。墟墓社稷宗廟無心于感民而民哀敬殷誓周會有心于制民而民畔疑周豐欲哀公修敬。苟無禮義忠信誠慤之心以涖之。信以感民而已。雖固結之民其有不解乎。民必解散

周豐不見哀公

檀弓

黃震曰禹嘗誓師誓非始于殷禹會塗山會非始

于周周豐此言概舉世變耳所謂殷人周

人亦謂末殷晚周耳

張以忠曰民至愚而神豈文誥所能感激對語不多

意自警醒

今之人急于食祿嗟而不
去不謝而食
者多矣視餓
者當有媿

齊饑者苦節

齊大饑黔敖爲食于路以待饑者而食之有饑者蒙

袂不欲輯屣力憊不貿貿然來目不黔敖左奉食右

執飲曰嗟來食閔而食揚其目而視之曰予惟不食

嗟來之食以至于斯也從而謝焉終不食而死曾子

聞之曰微與微無也無若其嗟也可去其謝也可食

嗟雖不敬
謝則有禮

吳澄曰嗟者閔之之辭來者呼之之辭曾子之言

君子之中饑者之操賢者之過也

黃震曰饑者不屈其操不受其辱身雖一死而義

存千古

張以忠曰萬鍾則不辨禮義而受富貴利達則不憚
晨夜乞哀以求貪生畏死失其本心者比
比然也讀是記而不心寒股栗非夫矣

張老賀成室

從之沐為輪
楨之廣為廣
言輪以該廣
也與謂室之
華麗與煥通

結古而勁

晉獻文子

趙武

成室

晉大夫發焉

發禮

張老曰

美哉輪

焉

美哉輪

焉

高

美哉

與焉

衆多

歌于斯

奏樂

哭于斯

往賀

聚國族于

喪

斯

燕聚國賓及宗族三言于斯者言

文子曰武也得

斯

于此至足勿更為也蓋微諷其奢

歌于斯

哭于斯

聚國族于

斯是全要領

以從先大夫

于九原也

事是免于刑戮以從先大夫葬于九原也

北面再拜稽首君子謂之善頌

于九原也

文子悟其風已故言若得保此宅為此三

歌于斯

哭于斯

聚國族于

斯是

全要領

以從先大夫

于九原也

北面再拜稽首君子謂之善頌

于九原也

文子謂張善禱謂文

李載贄曰

古人尚質頌中有規假令止曰美輪美與

亦巫祝者等耳而繼以歌于斯三言便有

知是知止之意文子之自禱亦申此意知

檀弓

張老賀成室

檀弓

檀弓

言哉

張以忠曰文子聞言而卽悟且深儆懼之思真保世之主也其長有後于晉國宜哉

子罕

如此文真可謂字無虛設

不惟晉而已雖天下亦不能當也漢書

微將軍誰不欲者句法同

陽門

宋國門名

之介夫死

介夫甲士

司城子罕

入而哭之哀

宋

武公諱收司空為司城子罕戴公子樂父術之後樂喜也

晉人之規宋者反報于

晉侯曰陽門之介夫死而子罕哭之哀而民說殆不

可伐也孔子聞之曰善哉覘國乎

善其知微

詩云凡民有

喪扶服救之

扶服音匍匐。扶服致力之義救助也

雖微晉而已

非獨晉不

能伐天下其孰能當之

陳騫曰吳起吮一人之疽而鄰敵莫抗段穎裹一

人之瘡而西羌頓平子罕哭一介夫而民

悅豈可伺隙而伐之哉仲尼在衛趙鞅折

謀于木處魏秦人罷兵謝安在晉王猛知其不可伐季梁在隨楚子之兵不敢加則子罕在宋而天下莫敢當信矣

張以忠曰國家惟民心足恃縱有強敵未有能觀釁而動者也子輿氏人和之說讀此益信

趙文子知人

嫌于許論先
輩故婉其辭
多少曲折敏
妙

武子有利君
之仁又有不
忘身之智異
乎處文矣有
謀身之智又
有不遺友之
仁與乎舅犯
矣
謂父子為知
人正是見其
所取于前知
其所舉于後

趙文子武名與叔譽向觀乎九原文子曰死者如可作也吾誰與歸設此言欲與叔向共論前人賢否叔譽曰其陽處父乎晉襄公文子曰行并植于晉國專權不沒其身其智不足稱也為狐射姑所殺不得善終是無全身之智其舅犯乎文子曰見利不顧其君其仁不足稱也舅犯與文公避難至將反國及河授壁請亡要君以利是無我則隨武子乎邑于隨利其君不忘其愛君之仁身也謀其身不遺其友也晉人謂文子知人文子其身也身也退然如不勝衣怯弱其言訥訥然如不出諸其口聲低而緩所舉于晉國管庫之士賤職七十有餘家生不

也此一句結
上生下千鈞
筆力

交利死。不屬其子焉。

廉潔之至

謝枋得曰：予觀檀弓之文，載晉事尤妙。如申生事知

悼子卒，事秦穆公，弔重耳，事晉獻文子，成

室事，及此節皆妙絕。今古超文人蹊徑之

外，宋人謂春秋戰國之世，楚多文人，如倚

相觀射文，屈原之流，然豈知晉之文人尤

高乎？楚之文深雄，奔放有霸國之氣；晉文

曲中肆隱，乃有先王之風矣。

張以忠曰：極精鍊而無斧鑿之痕，極婉曲而無轉折

之跡。此等文字，直可駕軼百家，凌越左國。



